

HAVAOTIKHAT

Ona **High Lake Laisinifaagomayut Havaotikhanik** hanayami ehaoakhaklogo iglokpakakvik hinniktakviit okoalo apkotit aghalutitokviit ovani High Lake oyagakhiokvikmi aolahimagiami oyakikivikhami. Ona atogomayat hivonikha hanalotik hapkoninga:

- Ona nutaat Weatherhaven tupikpakakvikhak oyagakhioktinot,
- ona 1450m oyagaliomik milvikhak tingmianot ovani Sand Lake, ovalo
- ona 12-km oyagalioak apkotikhak tupikakvikmit onalo milvikmit okiogalok atoktokhamik.

Talvani angionik tingmiat mitpagiangitni milvikmo5, tamayanik agyaktoni tingmiat tahamonga ovalo havaktit himmaotikataktoni ehoakhiyangani ovalo maniktokpalaaknaitomi. Ona nutak tupikakvik hivoganaitmik ovalo havaktini ehoaktomik havagiami tahamani. Ona tupikakvikhak nutanik emmaktutikakniaktok ovalo emmakonik halummaktigotikaklogik iglokpakmik, ovalo tigvavaalikniaktot hinnaaniitpalakmata iglot tahikmit ovani High Lake-mi.

Okoa Laisinifaakhat aolalikniaktot ovani Agasi 2006-mi, okoa tamayat agyaktaolotik okoalo nikkit umiakot tutkomaniaktot ovani Kuluktoakyukmi. Tamayat engilgotikhatlo aghalutikot agyapkakniagait tatpaonga High Lake-mot olapaknik aghalutinot okiomi ovani 2006/2007 okiomi apkohioklotik. Elait tamayat okoalo engilgotitlo agyaktaoniaktot High Lake-mot okiok apkotikot ovanga Wolfden-lo Ulu oyagakhiokviknot talvani.

Talvani hananiaktot milvikhamik tingmiano6, tupikakvikhatlo ovalo apkotikhaklo agyaktakvikhak talvani opingami/aoyami ovani 2007. Hapkoa hanalgotikhat eniktiktaoniaktot ovalo aolaliklotik nongolikat aoyak, ovalo tahamaniiniaktot atoktaolotik ovalo atogoiyakniaktot High Lake-mi. Tabkoa iglokpait apkotitlo ehoakhaktaoniaktot piomayait ovani Laisinifaagomayait atoktakhat kakogo oyakikivik aolalikat ovani High Lake-mi. Oyakikivik High Lake-mi aolalikniak atolihalikat 2009.

Ona iglokpakakvik kaffinik 70-nik inukakniaktok, Weatherhaven tupikpakaklonilo, iglot hinniktakviit, kukioviklo, oakhivikhaklo, ovalo anniktoni monakhivikhaklo. Emmiktakvikakniaktot kanitomit tahikmit ovalo annakokvikhak halummaktigotikakloni kovigaivakniaktot allamot igaloitomot tahikmot.

Tahamane nutak milvikhak tingmianot hanayaoniaktok hivogani oma Sand Lake. Ona oyagaliak milvik oyagalianik agyakovioniaktok oyakanik pilokiyiligivikmit ovalo hiogaktakvikaklotik ovalo oyagaliaktakvikaklotik.

Ona aoyak-okiogalok apkot anmaomaniaktok milvikmit tupikakvikmot hanayaoloni oyagaliaktaklotik apkotmit, ova oyagaliatlo pivakniakgait ovani haniani Weatherhaven tupikakvikmit. Nuna aghigotikpalaagomanginamiko.

Hamani tamaini nuna kayaginiagat havakviktik ahigoktiginaitomik havakvikhak nuna iglokpait napavikhat. Emakak nunamot kanogilitjutiniaktok Laisinifaagomik havaotikhanik nalonaiktait ovalo ehivgioktait ayoitot. Wolfden naonaikhiyut ehoinaktailitikhanik naliak monagitjutikhani nunamot, ovalo okoa kayagitjutit eliogakniaktait atolikata nunat Laisinifaagotit.

Ona hanayut nappaktigiot havaktitiniaktot inuknik 125 ovalo 150 inuit havaktitaoloitk aolalihakkat 2007. Ona tamaat maniktutiginiagat ehoaktom emakak \$20 Miliatdalakmik okoalo akitoyut havakhat, havaktinotlo ovalo nikkitakhatlo. Akongani 25% ovalo 50% maniktutit oyakikivikhamot maniliogotiginiagat Nunavutmionot nanminikaktonot ova inuknotlo, kanok tayamat ayuknaitpata, tamayat, okoa inuitlo.